

# INUIT ATAQATIGIIT INATSISARTUNI



UKA2021/146 & 147

20.10.2021

Mikivisuk Thomassen

## **Uunga tunngasoq:**

**Inatsisartut aaliangiiffigisassaattut siunnersuut Naalackersuisut peqquneqassasut Naalagaaffimmi oqartussaasunut saaffiginneqqullugit qulakkeerniarlugu, Kalaallit Nunaata killilersorneqanngitsumik Istanbulimi isumaqatigiisummut ilanngunnissaa. Tamanna pissaaq UPA2022 pisinnagu.**

**Inatsisartut aaliangiiffigisassaattut siunnersuut Naalackersuisut peqquneqassasut aningaasanik immikkoortitsinissaannik persuttaanerup minnerunngitsumillu angerlarsimaffimmi persuttaanerup akiorniarnissaa ersarissumik anguniarlugu, inuiaqatigiinni 2025-mi persuttaanerit amerlassusaat ullumikkumut sanilliullugit 25 procentimik apparsimassasut. Paasisitsiniaaneq kingusinnerpaamik 1. august 2022 aallartinneqassaaq 31. december 2024-ip tungaanut ingerlanneqassalluni.**

(Inatsiartunut ilaasortaq Anna Wangenheim, Demokraatit)

Siullertut qujavugut saqqummiisumut, Inuit Ataqatigiinniit imaattumik oqaaseqassaagut.

Qilanaarsimavugut oqaluuserineqarnissaanut tassami Inuit Ataqatigiinniit persuttaasarneq timikkut tarnikkullu akuerinnginnatsigu, akiorniarnissaanullu suleqataajuaannarnerput attackatigu, Naalagaaffimmi oqartussanut saaffiginnessaminnut suliaqarlutik aallartsiarnerat Inuit Ataqatigiinniit iluarisimaaratsigu. Qanigisariinnilu nakuusertarneq pillugu akiornisarnissaanut pilersaarusiornissaa pingaaruteqartoq naqissuserneqarnissaannut

# INUIT ATAQATIGIIT INATSISARTUNI



Naalakkersuisut suliaqarlutik aallartsisarsimanerat pissusissamisoortut isigaarput.

Unali tamatta eqqaamassavarput suleqataaffigissagatsigu timikkut tarnikkut persuttaasarneq akiorniarnissaa pingaaruteqarmat isumaqatigiissutaannartsigut persuttaasarneq naammassineqarsinnaanngimmat.

Naalakkersuisullu innersuussutaat UPA 2022 saqqummiussaqaarnissaa taperseratsigu naqissusissavarput.

Inuit Ataqatigiinniit naqissusissavarput timikkut tarnikkullu persuttaasarneq, oqaatsillu atorlugit nikassaasarneq kanngunarsaasernerillu annertusiartuinnartut akuersaanngilluinnaratsigit, tamannalu suliaassalersimasoq ukiuni kingulerni annertusiartuinnarsimasoq takuneqarsinnaavoq, qujanartumillu ilaqarpugut alloriarusullutik qanoq iliuuseqartartunik, persuttaasarneq pillugu.

Saaffissalli annertusarneqartuarnissaat takussutissiivoq qanoq pingaaruteqartsigineranik, siusissukkullu iliuuseqarnissaq Inuit Ataqatigiinniit naqissusissavarput pingaaruteqartoq, ilaqutariinni ajornartorsiut pinngitsoortsinneqassappat siusissukkut iliuuseqarnissaq pingaaruteqarpoq, qaammarsaajuarnissarlu assersuutigisinnaavara: Alliaq Telefonikkut saaffiginnittarfik, nakuusertarneq pillugu qanoq pingaaruteqartsigineranik takussutissiivoq nuna tamakkerlugu pisariaqartsinneqartoq, siunissarlu eqqarsaatigalugu eqqarsaatigilluagassarput annertusarneqarsinnaanera.

Kiisalu Naalakkersuisut qutsavigerusuppakka Alliaq pillugu ammarsarfiit sivilulernissaannut iliuuseqarsimanerat pillugu.

Aammalu nalunngilarput persuttaasarneq pillugu suliniaqatigiit namminerlu kajummissusertsik aallaavigalugu oqaloqatiginnittartut, taakkualu qutsavissaapput assigiinngitsutigut tapersersugassaallutillu, suliaqartarmata persuttaasarnerup akiornissaanut isummersoqataasartut siunnersuisartullu.

# INUIT ATAQATIGIIT INATSISARTUNI



Naalakkersuisullu akissutaanni takuneqarsinnaavoq nakuusernarnerup pitsaaliorniarlugulu annikinnerpaaffianiilernissaat pillugu iliusissamik suliaqaleruttortut.

Inuit Ataqatigiinniit naqissusissavarput timikkut tarnikkullu persuttaasarneq akuerinngilluinnaratsigu, innutaasunullu pitsaasumik anngutissappat pingaaruteqartut taarusupparput ilaqtariit eqqorneqartartut pitsaasumik pilersaarusiordfigineqarnissaat pingaaruteqarmat.

Naalakkersuisunullu kaammattuutigerusullu persuttaasarneq akiorniarnerani eqqornerlunneqartartut pillugit qaammarsaanerit pitsaasut anguneqassappata nuna inui peqatigineqassappata kommuunit tamaasa angullugit eqqarsaateqaqqullugit sulissuarnissaannillu kissaallugit.

Taamatut oqaaseqarluta Inuit Ataqatigiinniit Naalakkersuisut siunnersuutaat taperserlugu ataatsimiititaliamut susassaqtumut ingerlateqqipparput.